



**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Dvb. Vtrum malus peccatum sit quod committitur contra innocentiam, an
quod contra beneficium remissionis peccatoru[m].

[urn:nbn:de:hbz:466:1-72898](#)

Qu. 33. De reditu peccat. per Pœnit. dimissorum. A. 1. D. A. 2. D. 201

tione diuina, tanquam digna præmio, nisi obstat indignitas personæ; vnde nō requiritur aliud, quām vt ea indignitas tollatur. Peccata autem per penitentiam omnino delētūr, sic vt non amplius apud Deum maneat. Secundū: Quia merita illa nō fuerunt remunerata; vnde merito reuulsūt. Peccatum autem per penitentiam ex Christi meritis fuit compensatum, vnde non potest redire. Tertiū: Quia superexaltat seu superat misericordia iudicium: Iacobi 2. v. 13. Miserationes enim eius super omnia opera eius. Psal. 144. v. 9. Ad Secundam Confirmationem: Respondeo Prophetam loqui de impiis, qui conuertitur, & manet iustus; huic enim nihil obseruit impietas præterita ad vitam æternam: & de iusto, qui peccat & manet in peccato, cui nihil proderit prior iustitia ad salutem. Vnde hæc sententia nihil ad præsentē questionē.

Obiecit Tertiū: In gratitudinis mensura est beneficium; at qui beneficium remissionis tantum est, quantum est peccatum remissum: ergo ingratiudine illa tanta est, quantum erat peccatum remissum: ergo peccatum remissum redit, saltem secundum eadem malitiam & reatum.

Respondeo: Etsi ingratiudinis mensura sit beneficium, non tamen est tanta, quantum beneficium, sed longe minor. Potest enim quis eidem beneficio esse multum, & pati ingratus, ratione peccati, quo plus vel minus peccat contra benefactorem; quod sit, vt hæc malitia raro sit mortalís.

D V B I V M.

An saltem per potentiam absolutam Dei fieri possit, vt peccata remissa integrè redeant?

R Espondeo & Dico Primo: Si ita fiat remissio, sicut modò ré ipsa sit, nempe absolute & independenter à futuro eventu, nō possunt illi modo redire. Ratio est: Quia non potest Deus homini inserere malitiam, v. g. furti, vel fornicationis, sed hæc necessario oritur ab actu libero hominis: ergo si homo rursus non committit hæc peccata, impossibile est corum malitiam redire.

Si sub conditione,

Dico Secundū: Si tamen alio modo fiat remissio, poterunt redire; vt rectè Scotus dist. 22. ar. 1. Posset enim Deus remittere peccata sub condicione, nisi rursus contingat illum peccare, & sic applicare merita Christi: quo posito, si rursus homo peccauerit, irrita censetur tota prior remissio; & vniuerbia peccata priora ita reddent eum obnoxium, sicut antea. Quod patet à simili ex condonatione debiti, vel iniurie inter homines; quæ fieri potest, & sapienter, sub conditione; quæ postea, censetur irrita.

ARTICVLVS II.

Vtrum peccata dimissare debeat per ingratitudinem, qua peculiari modo est in quatuor generibus peccatorum?

R Espondetur: Peccata remissa redire secundum circumstantiam ingratitudinis per omnia peccatum mortiferum: sed præcipuo quodammodo per quatuor genera peccatorum, nempe

per odium fraternalum, quo fratri veniam petenti noluntus ignoscere; per apostasiam à fide; per contemptum confessionis: & per dolorem de penitentiâ habitâ. Ratio est: Quia hæc peccata peculiariter repugnant remissione peccatorum. Vide D. Thomam.

D V B I V M.

Vtrum maius peccatum sit, quod committitur contra innocentiam, an quod contra beneficium remissionis peccatorum?

S Cetus dist. 22. art. 3. & Caietanus h[ab]et, putant

Scotus affirmat.

D. Thomas negat.

maius esse peccatum, quod contra innocentiam sit, qui tunc innocentiam est maius beneficium, quām remissio peccatorum. Contrarium videtur sentire D. Thomas hic ad 3. & Dominicus Soto dist. 16. quæst. 1. art. 2.

Respondeo & Dico Primo: Si loquimur de innocentia, qualis erat in primo homine, peccatum contra talen innocentiam maius est, quām contra beneficium remissionis peccatorum. Ratio est: tum quia facilis poterat illud peccatum vitari; tum quia hoc peccatum spoliavit hominem longè pluribus bonis, inquit totum genus humanum perdidit.

Dico Secundū: Ceteris paribus maior est ingratiudine, & maius peccatum est peccare post remissionem peccatorum, quām contra innocentiam. Dico ceteris paribus: vt si par sit imbecillitas, & non sequentur alia mala.

Videretur major in ingratiudine peccare post remissionem peccatorum, quam post innocentiam.

Probatur: Quia etiā innocentia in se sit maius bonus, quām remissio peccatorum, tamen remissio peccatorum absolute est maius beneficium. Nam beneficij magnitudo non tam spectatur ex rei magnitudine, quām ex comparatione eius ad danteum & accipiente: v. g. Maius beneficium est, si pauperi & inimico des panem & aquam, quām si dixit & amico des laetum prandium. Sic si rex ignorat facinoroso pœna capitatis, maius beneficium est, quām si obsequioso det aliquod officium. Pari modo maius absolute beneficium est remissio peccatorum, quām innocentia: quia illa præstatur indigne & hosti, hæc autem datur ei qui non erat quidem dignus, sed neque etiam erat positivè indignus, nec hostis. Itaque peccatum post remissionem est maius, quām peccatum post innocentiam, quia contra maius beneficium. Addit: peccatum, quod quis committit post remissionem peccatorum, etiam committi post innocentiam: vnde non solum est contra beneficium remissionis, sed etiam contra beneficium innocentiae. Nam omne peccatum, quod committit homo in vita, est contra omnia beneficia quæ ei Deus præstitat; nam ad omnia præbet se ingratiū: quare est etiam contra primum beneficium, quo ei præstitat innocentiam in baptismō.

Potes: An hæc ingratiudine, qua quis post remissa peccata, denuo peccat, sit necessario confitenda?

Scotus d. 22. q. 1. art. 3. putat necessariò esse explicandam in confessione hoc modo: Antea grauiter Deum multis peccatis offendit, & putato me fuisse consecutum veniam; vnde nunc rursus peccando, tanto beneficio fui ingratus.

An hæc ingratiudine sit necessario confessanda.

Scotus,

etiam committi post innocentiam: scilicet ut vides

daz ut si quis longo admodum tempore nullas Deo gratias egit, si beneficia illius contemptis vel etiam parui fecit, si aliquid in contemptum Dei vel eius beneficiorum fecit. Est communis sententia Doctorum.

Dico Secundus: Quando ingratitudo non est peccatum speciale, sed duntaxat circumstantia peccati, non est necessaria confitenda. Est etiam communis Doctorum. Et ratio est, quia etsi addat

aliquam nouam malitiam super malitiam peccati, non tamen tanti est momenti ut per se sit mortalis. Adde, quod nec fideles confueverunt sede hac circumstantia accusare, nec confessari eos interrogare. Bonum tamen est eam explicare ad maiorem humilitatem.

De Article 3. & 4. Vide D. Thomam. Possunt autem hi facile ex dictis expediri?

Q V A E S T I O L X X X I X.

De recuperatione virtutum per Pœnitentiam.

D V B I V M.

Circa quinque primos Articulos,
Vtrum per Pœnitentiam restituatur homini
tota gratia pristina, & omnia merita
qua habuit prius?

¹ **S**ententiae de hac re sunt variae & obscuræ. Prima est, Thomistarum, gratiam & meritam priora solum redire secundum mensuram pœnitentia. Quod potissimum dupliger explicatur. Quidam enim id intelligunt comparando dispositionem, quam quis habet, ad summam dispositionem seu pœnitentiam quam homo per auxilium speciale potest elicere. Ita Dominicus Soto in hunc articulum. V. g. summa pœnitentia seu contritio, quam homo potest elicere, fit decem graduum; merita autem & gratia prior sit trigesima graduum. Quare si hanc totam contritionem decem graduum praefestes, restituentur tibi omnia merita & omnis gratia pristina, præter illam gratiam qua illi dispositioni per se responderet, qua sit decem graduum. Vnde habebis quadraginta gradus. Si dimidiam autem contritionem, scilicet quinque graduum, elicias dum resurgis a peccato, restitueret tibi dimidium meritorum & gratia prioris, scilicet quindecim gradus, præter eam gratiam qua per se illi dispositioni responderet, qua est quinque graduum: itaque habebis viginti gradus. Si autem duos tantum gradus pœnitentiae cum dimidio habeas, restituentur tibi septem gradus cum dimidio pristinorum bonorum. Audit Dominicus Soto, non solum primam illam pœnitentiam, qua resurgis, hanc vim habere; sed etiam sequentia opera bona, ita ut simili modo & proportione restituant reliquum gratiam & meritorum pristinorum, quando per primam pœnitentiam non fuerunt integrè restituta.

Alij intelligunt restitui merita pristina & gratiam priorem secundum mensuram dispositionis, comparando illam pœnitentiam seu dispositionem qua quis resurgit, non ad summam, quam quis per auxilium speciale potest elicere, sed ad eam qua commensuratur pristina gratia: ut pristina gratia sit 30. graduum, pœnitentia huic commensurata sit contritio etiam 30. graduum. Itaque qui resurgit per pœnitentiam trigesima graduum, recuperat totam gratiam & merita præcedentia, præter illam gratiam qua illi dispositioni per se responderet. Qui autem resurgit per pœnitentiam quindecim graduum, recuperat solum quindecim gra-

dus pristinæ gratiae & meriti. Qui vero per pœnitentiam unius gradus resurgit, solum recuperat unum gradum pristinæ gratiae & meriti, reliquum autem sensim recuperabit operibus sequentibus.

Secunda sententia est, homini restitui omnia merita qua ante habebat; non tamen restitui pristinam gratiam habitualē, sed eam solum recuperari pro mensurâ contritionis. Ita Scotus dist. 22. art. 2. & Durandus in 3. dist. 31. quæst. 2. ad 3.

Tertia sententia est, restitui omnia merita & omnem gratiam, qua meritis respondet; non tamen eam, qua respondet Sacramentis, id est, qua per Sacra menta est collata. Ita quidam Recentiores.

Quarta sententia est communior, omnem gratiam & omnia merita pristina restitui.

Dico Primus: Non est credibile peccatori pœnitentiam eam tantummodo gratiam dari, qua præcise responderet eius contritioni. Probat hoc recte Dominicus Soto: quia hoc non esset virtutes aut merita redire, sed semper manere mortificata.

Dico Secundus: Neutro modo iam explicato in primâ sententia recte dicitur gratiam & meritum redire secundum mensuram dispositionis.

Probatur Primus: Quia contritio illa peccatoris resurgentis non est dispositio ad gratiam præcedentem, sed solum respectu gratia qua ei per se responderet, qua ordine naturæ sequitur. Vnde D. Thomas art. 5. vocat eam non dispositionem respectu gratiae præcedentis, sed remouens prohibens, siue remouens impedimentum illius gratiae: ergo non habetur ratio, fit ne illa contritio intensa an remissa; sed solum, an remoueat peccatum, quod prohibebat seu impediens influxum gratiae & meriti præcedentis.

Probatur Secundus: Speciatim contra medium Sotii: Si summa contritio, quam homo potest habere per auxilium speciale, recuperat totam gratiam amissam; & dimidia dimidiatur, sequetur plus posse contritionem imperfectam, v. g. quatuor graduum ex parvo auxilio profectam, nempe rotidem gradum, quam contritionem perfectiorum, v. g. octo graduum profectam ex auxilio maximo, vt, sedecim graduum: quod sane non est rationi consentaneum. Patet sequela: Quia contritio quatuor graduum in eo casu erit summa, qua cum auxilio illo diuino potest haberi, ac proinde recuperabit totam gratiam: contritio autem octo graduum solum erit dimidia respectu illius, qua cum auxilio sedecim graduum haberi poterat, ac proinde solum recuperabit dimidium.

Probatur Tertius, contra alterum modum: Si gratia pristina restituitur secundum istum modum,

sequetur,

¹ Variae sententiae.

² Thomistarum, ea que duplex.

³ De Soto.

² Scotti.

³ Recens.

⁴ Communi.

⁵ vis.

⁶ Thomistum opiniōnes refellantur.